

الكتاب: ديوان النصاريات  
المؤلف: الشيخ محمد نصار العراقي  
الجزء:  
الوفاة: ١٢٩٢  
المجموعة: دواوين  
تحقيق:  
الطبعة:  
سنة الطبع: ١٣٣١  
المطبعة: مطبعة العرفان - صيدا  
الناشر: منشورات مكتبة بصيرتي - قم  
ردمك:  
ملاحظات:

المراثي بلسان اهل هذا العصر على الطريقة المعروفة بالنعي  
للشيخ محمد نصار العراقي رحمه الله تعالى  
الكون اظلم ايعج الخيل واغبر \* أو شع ابلمعة الانصار وازهر  
احتوف هايجة أو ما تعرف الذل \* اشلون الي يعرينه أو هاج مشبل  
تلوى دون عزها لوية الصل \* ابزاغوره أو نفج علموت الاحمر  
كل لماع مدرع يشع للناس \* وجهه والدرع والسيف والطاس  
متبسم امشرعب ناشر الراس \* كفو بالموت دون احسين مستر  
اشچم حران من رمحه ايتطير \* تقول الموت من سيفه ايتكاطر  
ما والله غرب ليه أو تجاسر \* عكوبسها أو ضل بالكون يذكر  
احلوك من لفت ذيج المشاهير \* احلول الموت وحلول المغاوير  
اظلم الكون بس لمع الغدادير \* تشع ووجوهها بالكون تزهر  
لو صاح الحريب اورجوا الزان \* ما والله ضل بالكون حران  
تغدى اگرومها شي شفت غزلان \* ابمرتعها اسباع الزور تفتتر  
كضو حق العليهم دون الخيام \* اولوا خلوا خوات احسين تنضام  
لما طاحوا تفايض منهم الهام \* تهاووا مثل مهوى النجم من حر  
على الانصار يا گلبي تظطر  
تهاووا مثل مهوى النجم من حر

هذا الرمح بفاوده تشنه \* أو هذا بيه للنشاب رنه  
أو هذا الخيل صدره ررضنه \* أو هذا أو ذاك بالهندي اموذر  
هووا ما بين من كطعوا وريده \* وقع راسه أو بين اطارت ايده  
أو بين امشبح ابرميه شديده \* أو بين اصار للنشاب مكور  
أو يلي الروس شالوها على الزان \* أو لعبت خيلهم علجث ميدان  
نجوم اتموج من دمها ابغدران \* نوب تطفح أو نوب تغور  
ركب غوجه أو تعن احسين ليها \* لگاها بس جثت ومسليها  
صب الدمع وتلهف عليها \* أو گال احتسب عند الله واصبر  
وي احسين ما ضل بلمخيم \* غير اولاد اخوه وولاد مسلم  
وولاده وخوته أو لدة العم \* وغير اولاد عبد الله بن جعفر  
اويلي من الانصار الخيم تصفر  
بس اولاد هاشم نجم تزهري  
الكل شبان ما منها لبخنده \* اختط الشعر لا والله أو جده  
أو بين ادرك ابلوغ أو بين بعده \* أو بين البلمهد يلعوا ويفغر  
يويلي منتلا گوا عند الوداع \* دروا ما بعد ملكي غير هساع  
غدا ماي الدمع ينچال بالصاع \* أو ثگلي اگلوبها من العطش والحر  
هذا يشبك ابهذا أو يحبه \* أو هذا ابگلب هذا يحط گلبه

أو هذا دمعه لهذا يصبه \* أو هذا يشم خد هذا أو يصفر  
أو يلي غدت للشبان حنه \* غدا هذا لهذا يجرونه  
أو كل واحد لعد موته تمنه \* ولا يبقى لهذا اليوم الا كشر  
سبق للحرب عبد الله بن مسلم \* امنتب من ابوه النفل والام  
شباب بن اهد عش مزراق من سم \* تلوه أو نفج يقطر موت احمر  
ابن مسلم لعند الحرب شمر  
شباب أو لا يخاف الموت مشهر  
اسم الله اعليه فرع بالذوايب \* گمر لاجن ابليل الشعر غايب  
حاط الخيل ودعاها جنايت \* أو خلاها امروج تموج بالبر  
يشع بسام والميدان مسود \* أو رجف زانته والموت يرعد  
تنخه أو گال ولكم چي الهلحد \* لراويكم اليوم الموت الاحمر  
ابن هاشم أو شبل الليث معلوم \* جربت والزمط ينعرف هليوم  
طفحها أو ذبها على الصمصوم \* أو رد النبع بالهندي امكسر  
حر يخطف الزانات وتذيه \* أو من ينصب الجففة الموت يلويه  
يجر سيفه والمكدر يشع بيه \* أو خاف الموت من عنده أو كشر  
اجاه السهم بس تسمع رعيده \* امنيشن قصته ابرميه شديده  
شگف عن الوجه ويلاه بيده \* سمرها القصته أو خلاه يفغر

يا غلبى لبى مسلم ففطر  
شباب أو مثل روح الطير منخر  
عجز ويلاه عن تحريك ففه \* ايس من حياته أو كرب حثفه  
نفض ويلي عدوه اعليه شلفه \* تكور مثل روح الطير من خر  
عزير الروح بالتربان ممدود \* أو دم السهم يجرى فوق الخدود  
كمر لاچن ابدم اشرق أو بچيود \* يوسفه عليه بالرملة امعفر  
شابچ تحت عج الخيل عينه \* ما ينشاف بس تسمع ونينه  
يريد احد يغمضله اعينه \* ايس واغرفت روحه امن الحر  
اشيب والهنادي وزعنه \* وابدم الشهادة غسلنه  
ابعج الخيل ويلي ففنه \* أو دفنه ابشعاع الشمس والحر  
نزلوا بعد ابن مسلم الشبان \* تنخوا واسفروا لمطالق الزان  
حاسوا خيلها وشلوا الميدان \* لما خروا تقول انجوم وتخر  
على الشبان يا غلبى ففطر  
تهاووا مثل مهوى النجم من خر  
بعدهم طلع طفل امن الصواوين \* امطوق والتراچي اعلى الخدين  
يدير العين يسره أو نوب ايمن \* طفل مدهوش يتلفت امذعر  
ابچبده من لهيب العطش بورح \* تراچيه على خده تطوطح

عليه السهم يا ويلي تلوح \* ابو ريده وقع لا جدم أو وخر  
ظلت شهربانه بس تولول \* على التربان يا ويلي المدلل  
طوگه بفيض اوريده امبلل \* فوق الرمل تحت الشمس والحر  
غدوا وسفه بني هاشم مطاعين \* جميع أو موحشه منها الصواوين  
ولا ناصر بگی منهم وي احسين \* بس عباس والجاسم والاكبر  
ابو فاضل تلوح فوق الاشگر  
ليث هاج من شبيه امعير  
نزل عباس يتمرضع بلحسين \* يحب ايده أو جدم رجليه والعين  
تساييل بالمدماع على الخدين \* لما حن أو بچكي احسين أو تحسر  
صاح احسين يا خويه يعباس \* ينور العين يا تاجي على الراس  
يخوي انت الدرع والسيف والطاقس \* اشلون اتروح وانا ابگی امحير  
يخوي احسين يا زهرة آياتي \* يخوي نحتل سكنه اعظامي  
دخيلني اريد الحق عمامي \* اريد الثار قلبي دم يفور  
يگله اوداعة الله يا عيوني \* نيتکم أو حيدي تخلوني  
ركب وارزم وگلهم تعرفوني \* طليعة حيدر الليث المشكر  
تشعشع بالحرب عنده الحرب عيد \* سم ابصاجعه أو طاحت امن رعيد  
يسحب السيف مبسم والنبل غيد \* تتماوع أو عج الخيل عنبر

عروس الحرب والعباس عريس \* ايتختر بين زفافه ملا بيس  
نكس وارعب اكلوب المداليس \* أو طفحها كفوا نعمين واكثر  
شمر فوگها أو خلا المداريع \* ما تعرف رسنها امن المصاريع  
تهاوت واخلست بين المشاليع \* تخف ارواحها من الموت الاحمر  
گلب يمى الحرب من فوق يسراه \* أو يسرى الحرب ذبها فوق يمناه  
لوى الجنحين فوق الكلب ولواه \* عليهن والعزیز الروح من فر  
حرب عباس من صحه أو يعرفه \* بيده السيف والبيرغ ابجفه  
أو بيده الصرع والگرهه ابجته \* مترهي تلوح على العسكر  
يحاجي النفس يا نفسي تهونين \* كل الناس تغدى فدوة احسين  
الف وسفه يا خوي مالك امعين \* تضل بعدي ييوسكنه امحير  
ابو فاضل ولى الشاطي أو حدر  
أو چبده من لهيب العطش فطر  
خالص الماي بس هيس اببرده \* ترس چفه يروي عطش چبده  
تذكر لن اخوه احسين بعده \* ذب الماي من چفه أو تحسر  
هذا الماي يجري بطون حيات \* وضوگه گبل حدا حسين هيهات  
اظن طفله يويلي امن العطش مات \* وظن موتي گرب والعمر گصر  
اشلون اشرب وخوي احسين عطشان \* وسكنه والحرم واطفال رضعان

وظن كلب العليل التهاب نيران \* يريت الماي بعده لا حلا اوامر  
همته بس يوصل الماي لحسين \* لا كا من اولا كمدن الچفين  
همه اطفال موتى بالصواوين \* عطاشا اكلوبهم تلهب من الحر  
طاح ايمين ابو فاضل والايسر  
خطف جوده ابحلگه أو للخيم فر  
اجاه السهم للگره أو فراها \* وكف بيچي أو سكنه ما نساها  
مواعد على اميه لحشاها \* أو منها يستحي للخيم يسدر  
سمع حسين حسه ركب وارزم \* غار على الخيم طلعهها من الخيم  
رديمه أو شافه سابح ابدم \* تخو صر فوق راسه والدمع خر  
حط راسه ابحضنه بگلب مرتاع \* شاله أو تره عباس بالكاع  
رد احسين راسه ابگلب مرتاع \* شاله اردود للتربان والحر  
يخوي العلم گلي وين اوديه \* ينور العين دربي بيش اجديه  
حنا فوگه أو شمه اوشبچ ايديه \* أو صاح احسين اخوي الله واكبر  
يخوي انكسر ظهري اولا اكدرا گوم \* صرت مركز يخوي الكل الهموم  
يخوي استوحدوني عگبلك الگوم \* اولا واحد عليه بعد ينغر  
يخوي امنين اجتني هالرميه \* يخوي اساوگع بيتي عليه  
يخوي اساعدوي شمت بيه \* وشوفنك ييو فاضل امطبر



راد احسين شيله للصواوين \* انتبه عباس لحسين أو زرق عين  
يگله اشراذتك ياخوي يحسين \* يگله اريد اشيلنك وسدر  
يخوي احسين خليني ابمچاني \* يگله ليش يا زهرة زماني  
يگله واعدت سکنه تراني \* ابماي واستحي منها امن اسدر  
يخوي اشلون اشوفنها ايبا عين \* لو جتني أو گالتلي الوعدوين  
دخليني اموت اهنا يحسين \* يخوي المستحا من شيمة الحر  
گام احسين يبچي للصواوين \* ينشف دمعه عن النساءين  
خاف لنهن يفگدن على احسين \* أو يگلن له عليمن هالدمع خر  
أو يلي تلقته تبچي اسكينه \* تگله عمي العباس وينه  
شرب ماي أو نسانا ما نسنه \* العطش واقلوبنا تلهب امن الحر  
خرت دمعة احسين أو تنحب \* أو قاللها أو نار القلب تلهب  
ابشاطي العلگمي عمچ امترب \* گضي فرت تصيح الله واكبر  
شل اطرادها ابن احسين الاكبر  
أو خلی الخيل بالهامات تعثر  
امصيت هلهت له الخيل لولاح \* عليها أو صفگت له اطراف الا رماح  
اورگصت له السيوف ابروس الاقراح \* أو فوق الطوس دگت ضرب الاگشر  
من هاشم منتب موش ملفوف \* ابوه احسين بالميدان موصوف

أو جده حيدر الكرار معروف \* أو عمه الحسن والعباس الازهر  
اهتز ابغيرة الله وافرغ الراس \* تبارك بالوجه والدرع والطاس  
أو سيفه الشعشعاني المرهب الناس \* أو بالخيل الطلايع ضيق البر  
اشچم حران من غدارته نس \* مهو ابن احسين ضرب السيف اله أو بس  
ابرمحه چم عجيد اصياح ليس \* أو خلاها ابجماجمها تعثر  
تموج الخيل من يفتر عليها \* چن الخيل عزراييل بيها  
ذب هذا ورا أو هذا لديها \* مساميها ورمحه يلحق الفر  
شباب ولا يهاب الموت طفاح \* بسرج عالي طويل الظهر نفاح  
ارضى السيف واطاشرحا الا رماح \* اورد ايلوج بلسانه أو يفغر  
مض العطش بابن احسين الاكبر  
أو رد ايلوج بلسانه أو يفغر  
يصيح ابصوت فت گلبی أو شعبني \* ييوي گوم ليه العطش ضرني  
ييوي درعي أو طاسي بهضني \* ييوي أو نشفت ارياگي من الحر  
ييوي شربة اميه لچبدي \* ايتگوي ورد للميدان وحدي  
ييوي فطر گلبی وحق جدي \* العطش والشمس والميدان والحر  
يگله امنين اجيب الماي يا ابني \* مهو حچيک بهض حيلي أو شعبني  
اوقت روحي أو حمس چبدي أو لسلبني \* ييوي استخلف الله العمر واصبر

يگله والدمع بجري من امن العين \* يبعدي أو بعد كل الناس يحسين  
تقلي اصبر أو قلبي صار نصين \* اشلون اصبريوي والصبر مر  
حن احسين ويلى أو سال دمه \* حنا ظهره على ابنه أو كسر ضلعه  
دار ايده على اطواگه يودعه \* يشمه والعيون تسيسل محمر  
تساييل يا دمع لو داع الاكبر  
يگلبى ذوب لو داعه أو تفطر  
يويلى من تلاكوا عند الوداع \* امشابك طول لمن هووا للقاع  
لاع ابن لبيه والابولاع \* على ابنه يويلى اوداع الاكشر  
يشم احسين خد ابنه أو يحبه \* أو دمه مثل دمع ابنه يصبه  
والنار البگلب ابنه ابگلبه \* يخفيها على ابنه أو نوب تظهر  
يگله والدمع بالعين دفاق \* ابعبره امكسره وبقلب خفاق  
يويه اوداعة الله هذا الفراق \* يويه اشبيدنه هذا المقدر  
يويه للسيوف اسدر أو للزان \* أو لوح ابغاربه وشلش الميدان  
يويه اليوم مروحك للجنان \* أو بالكوثر يوي اليوم تفطر  
تحسر ويل گلبى اجذب ونه \* أو من الماي آه انقطع ظنه  
عرف لن المنية دنت منه \* خر دمه أو للميدان سدر  
شبل احسين للميدان سدر

اوخلى الخيل بالهامات تعثر  
سدر والكون شابچ زان واسيوف \* نشاب أو نبل واسهام واحتوف  
ما والله رجف قلبه امن الخوف \* ولا وجهه من اشراگه تغير  
رد اسيوفها والنبل والزان \* حطيهه والگروم اوجوه نسوان  
شبل طاوي أو نفچ من شيب غيلان \* أو شاف الغنم بالمران تشتتر  
هز غدارته أو ذب العمامة \* نشر راسه اسم الله على النشامة  
خز اگلوبها أو شرق الهامه \* أو لف راياتها والسرب نشر  
روط زانته والموت بيها \* أو صاح ارگابها أو حوم عليها  
يا مبعده اهاليها عليها \* وين اتفر أو طير الموت يبجر  
عگب ما شرق الهامات والطاس \* اجته ضربة العبدي على الراس  
ذبل وتواردوا بسيوفها الناس \* شبك علمهر ويلى والمهر فر  
على ابن احسين يا گلبى تفر  
شبك علمهر ويلى والمهر فر  
شبك علمهر لباله يوديه \* لبوه احسين عن القوم يحميه  
اويلى المهر للعدوان فرييه \* ووجب آه بموسط العسكر  
داروا بالسيوف عليه والزان \* مثل چتال سبع المات فرحان  
عنى ابعيد البلا وليته العدوان \* ارذال أو بالمعايب دوم تفخر

هذا يقطع ابسيفه ويريده \* أو هذا بالخناجر فضل ايده  
أو هذا يغط من رمحه الحديده \* انجاصرته وهو يعالج أو يفغر  
ثكل بيه الطبر وتلوج روحه \* أو محد عرف غير الله اجر وحه  
دماياته على احصانه سفوحه \* لما خر ابهناديها اموذر  
نده يحسين هذا الساع جدى \* سگاني الماي واروى عطش چبدي  
يگول اسرع تراك اليوم عندي \* اجاه ايصبح يا بني الله واكبر  
ويلى احسين صاح الله واكبر  
بيوي ليش هلنومه ابها الحر  
گعد عنده أو شافه امغمض العين \* ابدمه سابح امترب الخدين  
متواصل طبر والراس نصن \* حنا ظهره على ابنيه أو تحسر  
بيويه گول منهو الشرق راسك \* ينور العين من خمد انفاسك  
يعگلي من نهب درعك أو طاسك \* يروحي اشلون اشوفنك امطبر  
بيوي من عدل راسك أو رجليك \* أو من غمض اعيونك واسبل ايديك  
ينور العين كل سيف وصل لبك \* گقطع گلي أو لعند احشاي سدر  
بيويه من سمع يمك ونيك \* أو من شبحت عند الموت عينك  
للعشرين ما وصلن سننك \* أو حاتفني عليك الدهر الاگشر  
اريدا مسح اجر وحك وشم خدك \* وحت صدري على صدرك ووسدك

بيوي شوف لا جن حرم جدك \* وحت زينب تصيح الله واكبر  
اجت زينب تصيح الله واكبر  
يعمه ليش ها النومه ابها الحر  
هوت فوگه تشم خده أو تحبه \* أو تطبق طبرة الراس أو تعصبه  
أو تسفر زيچ ثوبه تجس گلبيه \* لگت دمه من افواده يفور  
يويلي ولولت واحنت ظهرها \* تخمش اخدودها او تحلج شعرها  
أو تدق ابراسها وتلطم صدرها \* أو تنعى ابصوت طر گلب الصخر طر  
يشمس الگييض يليلهب وهجها \* ييدر التم يلمطفي سرجها  
يسم الخيل يلمچتر مرجها \* اشلون امن السرج تنشلع وتخر  
ينجم اسهيل يلحامي الشرايع \* يا جرناس يمعذب البراجع  
يشبل الموت يمصدر الگلابع \* اشلون امسيت للنشاب مکور  
ردها احسين للصبوان بالهم \* أو شاف الخيل دارت علمخيم  
اولن ابن الحسن جسام مرزم \* يصبح ابصوت عالي الله واكبر  
طلع جسام يصيح الله واكبر  
درخصني يعمي ما اگدر اصبر  
بس شافه شبق فوگه أو تباچوا \* اختنگوا بالبواچي أو ماتحاچوا  
لمن غابت الروح أو تتاچوا \* على التربان ويلي والوگت حر

لما ابدت الروح ابعمه اوبيه \* طلب جسام رخصه أو ما يخليه  
وقع ويلبي يحب ايداه ورجله \* درخصني يعمي ما اكدرا صبر  
يكله ابكي لبن عمك تباريه \* عليل أو ما بقي غير النفس بيه  
يعمي اخلافنا بلچن تسليه \* وظن هيهات يتسلى ويستتر  
تقلي اسدر يعمي للصواوين \* امنقلك رادليها جذب يحسين  
ارد عنك دعلمني ايبا عين \* اشوفنك على الرمضا امطبر  
يقله يا قمر بيتي يشعاع \* يعمي اوداعة الله هذا الوداع  
ركب وارزم وذبها موش مرتاع \* شهاب أو يخرج الطاغي من يخر  
عرض للحرب جسام واشهر  
شهاب أو يخرج الطاغي من يخر  
جر السيف والزانه نكثها \* أو طفح على الملزمومه أو فرثها  
جثت بالروس والروس ابجثتها \* اسم الله عليه خلاها تمشر  
تبردق فوق مهره وقال يومي \* أو قال لزانته على الخيل حومي  
رفها وگال للرايات گومی \* عن دربي وصيري اتياه بالبر  
يخزعين الطليع وگال ثجل \* ابظلمه والمذهب واج مشعل  
من يلمح شعاع السيف يثول \* حمام أو من يشوف الطير يصجر  
من يدنى أو عزرايين بيده \* غيث وبصواعجها رعيده

گانوص أو تلولح علی الصیده \* ابظهر اشکر شمر قوشه امسفر  
انگص اشراک نعله او قام یلویه \* ولزدي بوك اجا والسيف مخبيه  
ضرب راسه أو جاسم مادري بيه \* خر أو صاح یا عمي المشکر  
علي ابن الحسن یا قلبي تفطر  
خر أو صاح یا عمي المشکر  
بس ما سمع حسه شر عبت بيه \* چتل چتال جسام أو سدر ليه  
لقاه ايعالج أو ييحث ابرجليه \* يلوج ابروحه أو دمه يفور  
بچاه أو ناداه یا جاسم اشبيدي \* يريت السيف گيلک حز وريدي  
هان الکم تخلوني وحيدي \* علی اخيمي يعمي الخيل تفتر  
يعمي اشقالت من الطبر روحك \* يجاسم ما تراويني اجر وحق  
لوان ابقى يعمي چنت انوحك \* اقلب مثل الغضا وابد مع محمر  
حط احسين صدره ابصدر جسام \* شبك فوگه أو شاله يم الخيام  
صدره ابصدر عمه أو خط بالجدام \* بالتربان واحسين ايتعثر  
جابه أو مدده ما بين اخوته \* بچا عدهم يويلي وهم موته  
بس ما سمعن النسوان صوته \* اجت سکنه تصيح الله واکبر  
اجت سکنه تصيح الله واکبر  
يجاسم ليش هالنومه ابها الحر



عسى ابعيد البلا خذك على القاع \* يجاسم موش وگت الموت هساع  
جاسم يا ابن عمي لو ان تنباع \* ابماي العين چنت اشريك يا حر  
عساھي ابرقتك كل الخطيه \* تخليني غريبه واجنبيه  
يا جسام عرس اقشر عليه \* عريس أو يزفونك امطبر  
امبارك بين سبعين الف جابوك \* ابدال الشمع بالنشاب زفوك  
عن الحنه ابدم الراس حنوك \* على راسك ملبس نبل ينثر  
يجاسم ريت هالطبرات بيه \* يجاسم قوم ريت الموت ليه  
صدق رايح يجاسم هاي هيہ \* تخليني اون الليل واسهر  
اجت زينب أو دمع العين غدران \* أو صدت للخيم نادت النسوان  
قومن جاي نلطم على الشبان \* تهاووا مثل مهوى النجم من خر  
على الشبان يا قلبي تفطر  
تهاووا مثل مهوى النجم من خر  
فرن واحده تندب ولدها \* أو وحده تندب اخوتها اوسعدها  
أو وحده للولي اتهمش انجدها \* أو وحده اتصيح يا عمي المشكر  
يا شبان ينجوم المخيم \* بيدور اشرفت ويلى ابجردم  
بالله يا هوى الغربي تنسم \* بلچي اتفوخ عنهم جمرة الحر  
تذعدع يا عذبي على الشبان \* بالرسريس لا تنقل التبران

تراهي اتبب من النشاب والزان \* لا تعصف تهز الزان وتضر  
غديتوا طبق يا شبان واحسين \* ظل أو حيد بس ايدير بالعين  
لمن شاف روحه ماله امعين \* أو شاف الخيل على الصيوان تفتتر  
لگف صلب العرج ملس الحديده \* روطها أو غداها اعجود بيده  
خاض الموت چن الموت عيده \* عبوس أو من يشوف الحرب يستر  
ليش الموت الاحمر راغ واصفر  
اثاري احسين بالميدان يفتتر  
حليف السيف والبيرغ وليفه \* حلولك فوق راسه بس رفيفه  
اشچم حران مدرع بس رجيفه \* تسمعه والحرب بالسيف محتر  
من يگحم على الليث ابعرينه \* يجر يسراه والسيف اييمينه  
من يرگا على امتونه أو يهينه \* يعيش أو بين اذان الموت يصفر  
دق بالكاع رجليه أو غدت ظلمه \* تموج أو يجف بيها فوق عزمه  
امروس ينضح الكثرين سمه \* تجف الناس كلها منه الشر  
اويلي من وقف دون الخواتين \* ينادي من يجاهد دون الحسين  
طلع زين العباد امن الصواوين \* يگوم ابشيمته أو بالمرض يعثر  
اويلي على العليل اطلع مصفر  
عليل أو مثل صل الرمل مصفر  
(٢)

يصبح ابصوت تجري بيه كل عين \* يعمه اسلاح اجاهد دون الحسين  
 يعمه بعد ابوي وجوهنا وين \* وام چلثوم من بعده تعثر  
 اهنا يا ابني تكله دسدر اردود \* ترى كلبي يعمه خزن اچبود  
 اشوفك يا ابن اخويه أو لوعتي تزود \* أو نار احسين بين احشاي تسعر  
 صاح احسين يا ام چلثوم وديه \* يخوي ابني شعب گلبي درديه  
 مهو روهي ابهذا السيف لا فديه \* أو نور العين ولفرگاه ما اگدر  
 بيوي انت الولي للناس بعدي \* بيوي انت البيدك حكم جدي  
 بيوي الشوفتك فتت چبدي \* سدر ودموعه ابينه تغرغر  
 رده احسين للخيمه أو عينه \* تسح ادموعها أو ينده اسكينه  
 بيوي ابن ابوچ الطفل وينه \* اودعه أو عبرته ابصدره تكسر  
 طفل احسين ظامي والوگت حر  
 اويلي امن العطش چبده تفطر  
 تگله الطفل راح اللون عنه \* بيويه ما بگت بالطفل ونه  
 جف دمعه أو جف اللبن عنه \* أو ظل يلوج بلسانه أو يفغر  
 بيويه ما ابيني دمع واسجيه \* لو يرضى الموت بيه الساع لفديه  
 بيوي شوف چي ساوی العطش بيه \* بيويه امن العطش چبدي تفطر  
 گامت شالته او جت الوليها \* فك اعوينته يبجر عليها

تخيل جايبه ميه بديها \* شاله احسين ودموعه تثر  
گامت تستدير اعيون طفله \* شبح عين لبوه او عين لهله  
آيس شاف ميه ما حصله \* رد غمض اعويناته أو سكر  
شمه او جبهه ابصدره أو خده \* أو چبد احسين يابس مثل چبده  
بيويه ما بعد للعيش رده \* اهو ايحاجيه اولن سهم المقدر  
طاخ الطفل للکاع أو تعفر  
أو دمه مثل ماي العين فجر  
تلگی احسين دم الطفل بيده \* اشحال اليچتل ابحضنه وليده  
سال أو ترس چفه من وریده \* اوزبه للسما أو للقاع ما خر  
اويلي من لفت سکنه تنادي \* بيويه العطش ها الفت افوادي  
صدت لن اخوها الطفل غادي \* يلولح رگبته أو دمه يفور  
بيويه ذاب چبدي أو چبده امه \* دخليني أو دعهه وشمه  
بيويه ليش ما تسجيه دمه \* بلچن چبده تبرد امن الحر  
يخويه عون من حبك أو شمك \* يخويه عون من راواك لمك  
لغسلنك يخويه ابفيض دمك \* أو گبرك بالگلب يا خوي لحفر  
گام احسين يمشي يم الانصار \* وقف يمهم أو چبده امن العطش نار  
نده عباس خويه والدمع فار \* يخويه گوم لينه الساع واحضر

ابو فاضل دگوم اساع واحضر  
أو شوف الخيل عالصیوان تفتتر  
يخويه ليش هالنومه الطويله \* يخويه الطفل عگبت طال ليله  
يخوي ما چنت تسمع عويله \* يلوج امن العطش لمن گضي اوخر  
يخويه آيست سکنه امن الماي \* تجي يمي ذليله أو توگف احذاي  
يخويه من العطش رادت تجي وياي \* أو تگلك وين وعدك يا مشكر  
يخويه مادرت لنك رميه \* وهي ابر جواك تسجيهاميه  
يخويه امنين اجت ليك المنيه \* أو تگضي بالعطش والسيف والحر  
يخويه ليش هالساعه عفتني \* غبت عني يخويه أو ضيعتني  
مهو افراگك شعب گلبي أو فتني \* أو نارك بالقلب يا خوي تسعر  
رد واعیاله امن العطش يومن \* أو صاح ابصوت للتوديع گومن  
مثل سرب الگطا گامن يحومن \* تطيح اعليه وحدثهن أو تعثر  
على اوداع الحسين الگلب محتر  
يگلبي ذوب لوداعه أو تفطر  
اجت زينب أو باجي الحرم يمه \* أو صارت للوداع اعليه حنه  
يشم سکنه وهي گامت تشمه \* يحبها والدمع ليلو ايتنثر  
بيوي ايطول من بعدي ونينچ \* أو مثل النيب چن اسمع حنينچ

بيوي لا تشوفيني ابعينج \* اخافن ينخطف لونج أو يصفر  
صد الباجي اعياله ابعينه \* بچن عنده او نادن ياولينه  
عسن للغاضرية لا لفينه \* اولاً بينا يوالينه تحير  
اجت زينب يوصيها بلعيال \* يوصيها ابعليله أو كل الاطفال  
شاف الدمع فوق حدودها سال \* تگله على افراگك ما اگدر اصبر  
گام ايھون افراگه عليها \* أو بين بعد عين الله وليها  
عگب ما جاب كل الصبر ليها \* ركب غوجه أو للميدان سدر  
ليش الموت الاحمر راغ واصفر  
اثاري احسين للميدان سدر  
سدر واعلن ابحد السيف ناره \* أو لعنان السما ثور شراره  
خلى الليث ما يندل فراره \* يفر ويجيه موت امنين ما فر  
تفر اگرومها أو يحطم عليها \* يحوم ابها أو يحوم الموت بيها  
چم حران ذبه عند اديها \* أو خلى الخيل بالهامات تعثر  
فل اجموعها اولف الروايا \* ابسيف رضع من ثدي المنايا  
شق الزلم والخيل السبايا \* حدسها اوذب الازرق فوق الاحمر  
صك الخيل وادعى الخيل طشار \* ابسيف للدرع والطوس فزار  
رو العود سوى الصار ما صار \* أو چبده امن العطش ويلي تفطر

دار العسكر على احسين يا حيف \* ناس بالرماح أو ناس بالسيف  
يشبه دورها على الليث المخيف \* بياض العين بصبيها ايتدور  
دار العسكر على احسين واقتر  
أو صار اشبيح للنشاب مكور  
تلگی انبالها احسين بوريدة \* نوب بالضلوع أو نوب بيده  
تلايم غيمها واثجل رعيده \* أو بالزانات فوق احسين يمطر  
ثگل ما يندري ابنشابها امنين \* يجيه وزانها يخطف على احسين  
سهم بيده أو سهم بحاجب العين \* يويلي واغرفت روحه امن الحر  
صار اشبيح بيه امن المنيه \* الف نبلة يويلي أو تسع ميه  
وگف تبة نبل بالغازرية \* اوزور ارماح شابچ عيب ينظر  
اوچب يستريح احسين ساعه \* ضعف حيله أو ثگل بالسيف باعه  
رن الحجر من وجهه ابشعاعه \* أو دمه مثل ماي العين فجر  
شال احسين ثوبه يمسح الدم \* اولن سهم المحدد ناجع ابسم  
ابقلبه وقع لا وخر أو جدم \* هوى واظلم هواها والسما احمر  
ليش اظلم هواها والسما احمر  
اثاري احسين من فوق المهر خر  
يا ارضنا اليوم ميدي اويا سامامور \* أو بعد احسين يا ماي البحر غور

يا گلبي دذوب أو يا دمع فور \* أو يا چبدي على افراگه تفر  
هوى والمهر قام ايحوم دونه \* يحامي عن وليه من يجونه  
خاف الگوم لنهم يا خذونه \* أو یرکبه غير خياله المشکر  
عگب ما آيس الطماع منه \* رد روعه اوراح الخوف عنه  
سهل واعول اوحن أو جذب ونه \* سحب صرعه أو لعند احسين سدر  
اجنح فوق راعيه أو شمه \* أو صار اظلال دون الشمس يمه  
مرغ وجهه أو ناصيته ابدمه \* أو نادى بالظليمه أو للخيم فر  
بچت سكنه أو نادت بالمذله يعمه المهر حط بالگلب عله  
طلعت صارخه زينب تگله \* يمهر احسين وين احسينا خر  
يمهر احسين وين احسينا خر

مالك روعت گلبي يمکدر  
يمهر احسين وين احسين گلي \* اشوفك جيتني تصهل ابذلي  
خلاف احسين گلي وين اولي \* أو مالك روعت گلبي يمکدر  
يمهر احسين گلي عن وليي \* بعد فيه يخايب بيش افبي  
چم اصواب گلي ابگلب اخيي \* أو من يا جرح دمه ايفور اکثر  
اهنا گلي يصير اعلاج لحسين \* اف ت گلبي وذر جرح الگلب زين  
ونگط فوق جرحه ابدمة العين \* بلچي اصواب اخويه احسين يخدر



گام ايهمش اصفاحه ابسنه \* يدق بالكاع رجله أو يجرونه  
وباب الخيم رجله ثنه \* دق راسه أو سالت دمعتة اوخر  
فرن يمه ايجلبن اجروجه \* ابگلب خافج أو عبره سفوحه  
لگنه ايلوج ويعالج ابروجه \* يون وصواب گلبه دم يفور  
اجت زينب تصحيح الله واکبر  
يخوي ليش هالنومه ابها الحر  
بچت زينب أو نادت يا وليي \* ينور العين يا عگلي أو خيي  
يخوي الصبر من بعدك امعيي \* علي أو نار فگدك دوم تسعر  
يخوي من ضرب راسك ابسيغه \* طعن گلبك ابرمحه وخذ حيفه  
أو ما خلا ابروحك بس طريفه \* خفيه أو شافها الموت المكدر  
يخوي من سمعت المهر يصهل \* تخيلتك ابجود الماي مجبل  
اصد لن المهر محرب أو معول \* جالب عدته والسرچ يصفر  
على امصابك لحرم لذة العيش \* بعد فگدت يخوي احسين ما عيش  
يخوي اصواب کلمن مات بالريش \* أو جرحك بالقلب يحسين يسعر  
على امصابك لچيمن دوم نوحی \* يعيني بالدموع اليوم طيحي  
امصابك يا عيوني شعب روهي \* لونه بالصخر ذاب أو تفسر  
تصيح ابصوتها يحسين وينك \* يخوي جاوب أو صدلي ابعينك

يخويه ذاب گلبي من وينك \* يخويه موش گلبي صخر مرمر  
فك عينه اوزرگها أو شبح ليها \* اوحن أو خرت ادموعه عليها  
لما صدت لعد دمعة وليها \* ليلو فوق جرحه يجلب احمر  
فك احسين عينه والدمع خر  
ليلو فوق جرحه يجلب احمر  
ناداها ابضعيف الصوت يختي \* مهو حچيچ شعب گلبي دسكتي  
ينور العين خليني ابمهجتي \* اعالجها ترى گلبي تمر مر  
بچت عنده أو صاحت له يعگلي \* يروحي أو نور وجهي اوباجي اهلي  
يخوي احسين شتهيس دگلي \* يخويه يا صواب اليوجع اكثر  
يگلها اصواب البوجهي يضدني \* ولبراسي حمس چبدي اوفتني  
ولبضلعي بهض حيلي أو ضهدني \* ولبگلبي يخويه يوجع اكثر  
يخويه يابس امن العطش چبدي \* يخويه والترابه احرگت زندي  
يخويه والشمس احرگت خدي \* دفييلي ابردن ثوبچ امن الحر  
ويه ما احب سکنه تجيني \* تشوف اجروشي أو تسمع ونيني  
مالي گلب اشوفنها ابعيني \* ذليله مالها والي الينغر  
يخويه لا تليعي الگلب بالله \* وبنيني علي هلة هاله  
يخويه من بعد عيني الکم الله \* وذاکريني أو کل امصاب يزغر

يحاچيها أو تصب عينه ادموعه \* لن قلبه انخفي واحنت اضلوعه  
غمض عينه أو صارت بيه موعه \* هوت أو دمعها اعليه ينثر  
تشم احسين وتجلب ابجرحه \* اولن الشمر يدفعها ابرمحه  
گومي يو اذبحچ فوق ذبحه \* وخليها ابعر الدهر تذكر  
بالله يا شمر عنه دوخر

اذبحني واخل اخوي احسين واسدر  
تگله يا شمر بالله دخليه \* أو ماشافه امن الطبرات ييزيه  
تشوف ايلوج ما غير النفس بيه \* أو عينه نوب يشبحها أو تغمر  
دكلي يا كثر خالي امن الجروح \* تحط سيفك يخايب والدم ايفوح  
طبره فوق طبره تشعب الروح \* يشوغ الكلب من عدها أو يفغر  
يخايب خلي اخويه احسين ساعه \* اغمضله ومد للموت باعه  
مهو شمامة الحلوه اطباعه \* دخلي ابراح روح احسين تظهر  
يخويه بيش اضمك وين اوديك \* يخويه اشلون اصد عنك وخليك  
تراني اتحيرت يا مهجتي بيك \* يخويه بيش اظللک من الحر  
هوت يمه تشم كسر البضلعه \* اخوي الما طبع يشبه الطبعة  
غابت روحه أو فزت تودعه \* اولن راسه بلملوث ينور  
راس احسين فوق الرمح مسفر

مثل البدر بالظلمة ينور  
لمن شافته صفغت بديها \* أو شكت ثوبها ويلى عليها  
ما نلام من شافت وليها \* فوق الرمح راسه ايلوح بالبر  
سالت عينها بدموعها اعليه \* أو شالت راسها وتلفتت ليه  
خفق ويلى گلبها واومت اعليه \* أو صاحت باچيه ابصوت امذعر  
يسور المرمر الماله مصاعيد \* يصل الرمل يمنفر العرايد  
يطير السعد يمعدب الصيايد \* حاطت بيه فوق الرمح وكر  
عسى ابعيد البلا راسك امعلق \* يخوي أو جثتك بكفراه سملق  
أو گلب اختك يخوي اساع خفق \* أو طار اوحام عد راسك أو فرفر  
اويلى اتلا گفواراسك بلر ماح \* أو شيبك آه تلعب بيه الارياح  
ومصوت عدونا بالغنا صاح \* انذلنه امكيف أو بالنصر مستر  
يا شيال راس احسين ريض \* جيم ابراس اخيي لا تعرض  
شوف الدمع من عيني يفيض \* اويار الكلب لفراقه تسعر  
يا شيال راس احسين گصر  
ترى گلبي على افراقه تفطر  
يشايل راس حامينه اولينه \* ريض خلي اتودعه اسكينه  
ليش احسين ساچت عن ونينه \* قلى تعب يوجرحه تخدر

يا شيال راسه لا تلوحه \* أو هبط عن بقايا الروس رمحه  
اخاف ايفوت ريح الهوى ابجرحه \* واصوابه عليه ايگوم يسعر  
يا شيال راس احسين سدره \* رده الجته أو وسده ابگره  
يخايب شفت هاذي گبل تجره \* ابقره جتته أو راسه امسير  
يا شيال نعشه لا توجهه \* اخافن تلچم جرح البضله  
دريض لي ارید اسا او دعه \* أو هذا افراگنا ما بعد مسدر  
يا شيال نعش المات مظلوم \* على الشاطي أو عن الماي محروم  
تحوم اگلوبنا فوق النعش حوم \* اخوي الطاح مثل النجم من خر  
يا شيال نعش احسين بهداي \* أو بالله دحط تابوته على الماي  
ارید او گف وغسلنه ايمناي \* وشوف اصواب گلبه ما تغير  
رفع بعنادها راسه او شاله \* أو خيب زينب أو يتم اطفاله  
بسما شاله أو شافوا عياله \* اجت سکنه تصحيح الله واکبر  
اجت سکنه تصحيح الله واکبر  
بيويه ليش هلنومه ابها الحر  
تصحيح ابصوت يفجع من يسمعه \* يفت گلبه ويرض صدره أو ضلعه  
يفيض كل عدو عليه دمه \* بيوي ليش هلنومه ابها الحر  
بيوي ليش ما تنغر عليه \*؟ سکنه العزيز الهاي هيه

بيوي اسا عدوي شمت بيه \* ذليله ايشوفني ما بين عسكر  
بيوي انروح كل احنا فداياك \* اخذني للقبر يحسين وياك  
اهي غيبة بيوي واگعد اتناك \* وگولن سافر أو يومين يسدر  
بيويه اللي وگع من بين اديه \* چتل عطشان ما تشرب ميه  
بيويه ريت هلنومه هنيه \* او من بعدك يريت الناس تسهر  
على امصابك بيوي لصب دمعي \* وخلي اعليك نوح الليل طبعي  
لحرم ما يجيس الكاع ضلعي \* ولا گلبي بعد فرگاك يستر  
بيويه گول لا تخفي عليه \* هذي روحتك يوبعد جيه  
بيوي انچان رايح هاي هيه \* اخذني اويك عنك مقدر اصبر  
بيويه من شفت مهرک لقاني \* ذاب الگلب وانخطفت الواني  
بيوي ايعودلي بيكم زماني \* وشوف الدهر بيكم يرديزهر  
بيويه بادحيلي وحق جدك \* عسن للکاع خدي دون خدك  
بيويه شال راس الدين بعدك \* والدنيا اظلمت والكون مغبر  
بچت زينب أو صدت للمدينه \* يهلنا احسينکم گطعوت وتينه  
اشو نوماتکم صارت سنيه \* دگوموا يال هاشم والهضم مر  
دگوموا يال هاشم والهضم مر  
شوفوا احسين عشاطي امطبر

تناديهم أو حادي الطعن طوح \* تغلهم ياهلي والدمع يسفح  
دخلي خيلكم بالصرح تطفح \* أو شوفوا حسين عشاطي امطبر  
يهلنا احسينكم رضوا اضلوعه \* اوشاف الموت روعه بعد روعه  
يصد لعياله اوتسجب ادموعه \* يخافنها بعد عينه تيسر  
يهلنا احسينكم ذبحو انصاره \* ابو فاضل تكور بالمعاره  
وج اقبل اخوه احسين ناره \* دمع عينه على خده تحدر  
يهلنا احسينكم نشفت ارياقه \* اوراح ابنه اوهد حيله افراقه  
او عن ورده امعوج الموت عاقه \* أو عالجهها أو دون العلقمي خر  
يجدي قوم هذا احسين مذبوح \* على الشاطي أو على التربان مطروح  
يجدي ما بقت له من الطعن روح \* يجدي قلب اخوي احسين فطر  
يجدي قلب اخوي احسين فطر  
عالجهها أو دون العلقمي خر  
يجدي الرمح بفاده تثنه \* يجدي أو بالوجه للسيف رنه  
يجدي أو شيبه بدمه تحنه \* يجدي أو بالرمل خده تغفر  
يجدي مات محد وقف دونه \* أو لانغار غمضله اعيونه  
وحيد ايعالج أو منخطف لونه \* ولا واحد ابخلقه ماي يقطر  
يجدي مات محد ممدد ايديه \* ولا واحد يجدي عدل رجليه

يعالج بالشمس محد قرب ليه \* يحطله اظلال يا جدي امن الحر  
تناديهم يهلنا اولاً لفوها \* ولا جدھا يجاوبھا ولا بوھا  
حنث وانقطع ظنھا من اخوها \* أو شافت علخيم صول العسكر  
او يلي علخيم صول العسكر  
وجھا ابناړ والدخان گبر  
صال او نفج النسوان عنه \* نفر كل طفل مذعور منه  
صار اصياحھا والنوح فنه \* ولا واحد يذب عنها أو ينغر  
نهب ماچان بالصيوان موجود \* أو ثجل احسين ويلي صار فرهود  
ولا خلا نجيمتهم ولا عود \* حرقھا أو لعند الخيم سدر  
سلب ماچان على النسوان موجود \* بقت وحده على اخوها بروحھا تجود  
دعاھا بين مطروده ومطرود \* تفر هذي أو هذي ابديچ تعثر  
ابسوطه يضرب اسكينه أو يردھا \* تشقف بيدها يكسر زندها  
تجي زينب تخلصھا أو يردھا \* لما سوطه ابمتن زينب تكسر  
چم مخدره ضيع دربھا \* أو چم مذهولة روع قلبھا  
أو چم مذعورة ابسوطه ضربھا \* أو نفجھا الكتر الكتر بالبر  
يحيدر قوم لينا اساع واحضر  
أو شوف الخيل بين الخيم تفتّر



لعتب المرتضى واچتر اعتابه \* وهيلن للتراب على اعتابه  
انديه وانتحب واوقف بيابه \* وقله اليوم يومك يا غضنفر  
لون الليث ابونا اليوم يدري \* اخوي احسين راسه اشلون مبري  
لفاني أو دمعتي اعلى الوجن تدرى \* فكنا من السبي اولاً تعذر  
يصنديد الحرب يمحيف الاسباع \* يشيال الحمل لو طاح بالقاع  
اخبرك بالحرم هل راحن اضياع \* سبايا أو بالردن ويلى تستر  
يسلبها العدو أو يشتم وليها \* أو جاير بالضرب ويلى عليها  
تهبط راسها وتشقف بديها \* دمعتها يسيل على الوجنات محمر  
للسيد عبد المنعم رحمه الله تعالى  
ونهض يكتشاف الكروب \* يابود الحسن يا داحي البوب  
يسر القضا يا محنة ايوب \* يمن دوم بالشدات مندوب  
ترى ابنك ابحد السيف مضروب \* أو شبيه بدم النحر مخضوب  
أو راسه براس الرمح منصوب \* أو سجادكم بالقيد مشحوب  
اونسوانكم بين الشعوب \* سبايا أو منها القلب مرعوب  
چيف الحراير والركوب \* دنهض اورد العتب والنوب  
يبحر العلوم أو عفة الذيل \* يصوام ياگوام بالليل  
أو يقرآن تحريما وتحليل \* أو يلاهوت تصعيد أو تنزيل

أو يضرغام لواغبلى على الخيل \* يخلى السيوف الهاصليل  
يريتك عدل يوم الرحيل \* تنظر بناتك والعليل  
سبايا على النوق المهازيل \* أو يلاه لو ينفع الويل  
على اهل النجابه والبهاليل \* مامش ولي بس العليل  
امن الكيددم ساگه يسيل \* مهو ابن النجابه والبهاليل  
يجمال ريض لا تسبح حيل \* والظهر گيل لا تشيل  
تصلي الشمس واحنا مد اليل \* أو لو صار ممشاكم ابليل  
باروا المحامل لا تميل \* أو حفظوها من طيحة الليل  
لو هلهلت ودموعها تسيل \* وتبرهجت من شافت الخيل  
والگلب طار من الصهيل \* وجعدوا صدرها يابهاليل  
أو يشيالة الحمل الثجيل \* أو ينقلب الرمح الطويل  
گوموا لزينب والمداليل \* وابروالهم من عثرة الليل  
انوى ضعنهم علمشيل \* اودنوالهم نوق المهازيل  
غرايب او ما عدهم رياجيل \* خلصوا چتل بس العليل  
امگيدا وبس فنه العويل \* ينفطر الفآد أو ينحل الحيل  
لو تشوفنا من غارت الخيل \* أو فزت امن خيمها المداليل  
لگت گومها كلهم مچاتيل \* ردت اوفنها النوح والويل

واشحالها من هود الليل \* اوباتت حريم ابلار يا جيل  
لو نادوا يحادي اضعونهم شيل \* خذوهم على النوق المهازيل  
أو چفيل الحرم وجعان وعليل \* امگيد ابگيد ثجيل  
حيدر بيويه ما تجينه \* وتشوفنا اشلون انسبينه  
سبايا أو نتستر بدينه \* والناس تتفرج عليه  
أو زين العباد امقيدينه \* ييجي أو يتلفت ابعينه  
ويگول ابوي احسين وينه \* انت انضبت واحنا انسبينه  
دقعد يعزنا يا مچنه \* يراس الفراسة والمحنة  
محد ترى ييرى الضعنه \* او گلي النوايب قطعنه  
اوراسي المصايب شيبينه \* لحقن على عگلي خذنه  
ابفيض النحر شيبك تحنه  
يا طارشني احتزم عجلان \* لاهل المعالي أو رفعة الشان  
أو وصل على خيال الحصان \* أو حشم بني هاشم وعدنان  
او گلهم احسين انذبح عطشان \* أو تلعب عليه الخيل ميدان  
اوراسه يلوح ابراس السنان \* حرمكم سبايا بين عدوان  
اخوي احتزم والغوج شدها \* أو عليها اعتلا اليرهب مهدها  
تچنه أو على الظلمة لكدها \* أو ضيع تحت صدره گلدها

اوكل غارة التجبل يردھا \* والخيل خلاھا ابعدها  
اوضيع تحت صدره گلدها \* وامروج محمرة بردها  
تخسون ما زينب وحدها \* وخوها النفل واجف بدها  
يا سور زينب يا ضمدها

يحسين ياعز المخيم \* أو يضرغام ياذر الحرم  
أو يسراجنا بالليل الاظلم \* أو يسور رشمخ مالاشر سلم  
اويحر على الصيده معلم \* تراهي انسبت زينب أو چلثم  
والنار وجوها بالخيم \* ترضى يبعد الخال والعم  
يسوقونا سوق الغنم

الخيل اجتنا مثل الغيوم \* وتغزلت صمصوم صمصوم  
أو تسگط گطعها امساقط انجوم \* گوموالها يسباع يقروم  
أو خلوا جثتها طعمة الحوم \* مرکاضکم بالکون معلوم  
فکوا يسر زينب أو چلثوم \* سلبوا معاصبنا والهدوم  
بسکم على التربان هلنوم \* تسرجون من لفح السموم  
للشيخ حسين الدجيلي رحمه الله

الخيل اجتنا للبيوت \* أو تبرج عددها من الرخوت  
رگعدين بالضيج منعوت \* أو يجد الصفيحة التگطر الموت  
ياچوسج بحر يادرگت الحوت \* يريح الشمال المجلل اغتوت

امسعر الحرب يا نار برهوت \* ترضى على جثتك نفوت  
لا ماي ويانا ولا قوت \* وابنك علي بالحبل مسبوت  
يحسين ياسور منيع \* يجلمود يمثلم الكطاطيع  
ياردام يمچسكر المصاريح \* يرواغ يمعذب المداريح  
خواتك مشن عگبك مفازيح \* سبايا أو على النوق المضاليع  
والحرم بعد ارجالها تضيع \* خلصوا چتل حتى المراضيع  
مطاعين علمرضا مصاريح  
للسيد عبد المنعم  
الخيل اجت وتعدت الحد \* واخيامنا ما بيهن احد  
دشدله على حلو المشد \* أو حورب لغاتك يلعبد  
لابو الفضل هساع يگعد \* گله الحسين اخوك مفرد  
ايدير عينه أو ماله احد \* بسك على الرمضا امدد  
دگعد يبعد الخال والجد  
ياگصوره او بالضيج عيال \* اوياحيد ياشيال الاتقال  
أو يطود ثبت لو صار زلزال \* أو ييحر على الوديان سيال  
اويامير حاطت به انذال \* گطعوا يمينه والشمال  
فذاك السلف واختك ولعيال  
يعين الطليعة يا مجدم \* يا خواض بحر الموت لوزم

من شاف عج الخيل درهم \* وبغارب البارع تلملم  
أو على تبة النشاب درهم \* نصا المشرعة والريج علغم  
ترسها اولاح الغوج وارزم \* اودارت عليه الله يعلم  
وبغير حفظ الماي ما هم \* شراها اييمينه او ما تندم  
واثنى بيساره اولاه انهضم \* فروا جربته ويلى ابسهم  
وگف وگفة المغبون واكظم \* أو سکنه تربه اباب الخيم  
متدري بعمها سبح بالدم \* او يلى على ابو فاضل تخدم  
لبعضهم

مصدیت روس اهلي على ارماع \* او حس المحورب بالظعن صاح  
لخيال ويانا ولا سلاح \* بس راس اخوي على الرمح لاح  
ياسايجه للظعن رده \* امسا المسا واحسين وحده  
لحد اولاه ما حود عنده \* وخوته طبق نومه ابحده  
مچاتيل كلمهم فرد مده \* وين الصديج البذل جهده  
واسريع يوصل لعد جده \* يگله ترى زينب بشده  
وين الصديج اليحن گلبه \* علينا أو يسبح ابليل دربه  
لارض الغزي ويهيل تربه \* يگله العلي زينب ابكره  
واعيونها لمجيك تربه \* غريبه وصفت بديار غربه

زمزم ضعنا بلبل ويده \* أو ولينا بگي عاري عضيده  
ظامي الحشا اودامي وريده \* دگعد يحر الروس صيده  
اخبرك بگت زينب وحيده \* بس العليل اضل شريده  
يصفج وسف يحسين بيده  
للشيخ محمد النقاش  
يراجب الكور المضممر \* أو ساري گبل طرة فجر  
لا يمنعك بر أو بحر \* عرج لبوي الليث حيدر  
گله يجرده للمشهر \* سلمان وينه اووين ابو ذر  
حمزه أو عقيل اوين جعفر \* وين الدحاها لباب خيبر  
ترى احسين عن سرجه اتقنطر \* والشمر حزمه النحر  
انچان ما تلفي يحيدر \* يسيرون بيناتك يسر  
لودي عتب لاهلي الجفوني \* اوبديار غربه ضيعوني  
ساگوا ضعنههم ما تنوني \* ماني العزيزة وارخصوني  
دسحي عليهم يا عيوني  
لو گف على درب الظعون \* واسايل اليرحون ويجون  
حرمه أو غريبه لا تگطعون \* أو لدياركم يمته تعودون  
ترى احنا ابمذله أو هظم والهون \* واطفالكم يمي يلوعون

يشعبون گلبی من یوون \* عطاشا أو منی مای یردون  
بناتک یعینی مرمرنی \* عطاشا أو یردن مای منی  
أو صار البچا والنوح فنی \* منی اتمرمرت من صغر سنی  
اورا حوا هلی بالطبق عنی  
فی حق العباس (ع)

نجادی الظعن عباس مربیه \* مالی گلب امشی و خلیه  
اخوی الشفیہ واعتب علیہ \* أو گله الظعن منه الیباریه  
بس العلیل الکلید ماذیه \* هذا الخفت منه طحت بیه  
للسید عبد المنعم

لو هلہلت وادموعها نار \* والشمس غابت تحت الغبار  
ندهوا بنی ہاشم والانصار \* وندھوا علی حیدر الکرار  
خذونا سبایا اصغار و کبار \* أو من بعدکم ضکنا المرار  
لغیره

یا طارشہ دنھض أو گوم \* أو وصل علی جلای الهموم  
وخبرہ ابغزیزہ احسین مھظوم \* گضی بکربلا من المای محروم  
اوراسہ علی المیال مزموم \* وخبرہ تری زینب وچلثوم  
وگله علیہم دارت الگوم



تريد الزتت منك يضرغام \* ساق الظعن ونووا على الشام  
يسير الظعن والروس جدام \* حريم البليا رجال تنضمام  
واهل الحميه كلهم نيام \* بعدكم عسن العمر لادام  
اويلاه من غدرات الايام  
وين الذي ينگل سلامي \* لعدو الذي اوباجي عمامي  
أو يحجيلهم زود اهتضامي \* راح الذي عنا يحامي  
نوحى على المذبوح ضامي  
وين الصديج اليحن گلبه \* علينا اويسج ابليل دربه  
لرض الغري ويهيل تر به \* يگله العلي زينب ابكر به  
واعيونها لمجيك تر به \* غريبه اوصفت بديار غربه  
زمزم ضعنا ابليل مسراه \* أو لحد يهلنا الظعن باراه  
أو ولينا بگی والعين ترعاه \* جسمه خضيب اولحد احذاه  
اولا من شفيع جاه واره \* بس الوحش بالليل ينعا  
اويلاه يا روحى اويلاه \* هيهات مثل احسين نلگاه  
للسيد عبد المنعم  
لو هلهلت والريح دايب \* ومعلمه الكثر المصاب  
عليها جرت كل النوايب \* تهتف بخوها والگرايب  
تگله الحرم ظلن غرايب \* أو تسري بهن خوص الركائب

خاب الرجا الماچان خايب \* شنهو الرجا واحسين غايب  
طوح الحادي والظعن شال \* واتصارخت نسوان واطفال  
چي بصرتك خوي بلعياي \* أو منهو اليعدل الحمل لومال  
غرييه أو معرف رچب الجمال \* راسك براس الرمح ينشال  
امصابك يهدم روس الجبال  
ساق الظعن والنوق عجف \* او عيني تصدو الكلب يرجف  
أو لوني بيوسكنه انخطف \* وانا مخدره يحسين معرف  
والدرب يا ابن امي چلف \* وابنك على الناگه مجتف  
او من ذوب گلبه العين تذرف \* أو راسك ابراس اسنان مشرف  
مثل البدر والليل مسدف \* وگلوبنا فوگه ترفرف  
يحسين يا تالي السلف  
يردونا عنك انشيل \* واحنا حريم ابلا رياجيل  
چي بصرتك لوهود الليل \* أو چفيل الحرم وجعان واعليل  
امگيد اوبس فنه العويل \* يفطر الفاد أو ينحل الحيل  
تمنيت ابو الحسنين بدري \* ويشوف دم احسين يجري  
أو حادي ضعنا گام يسري \* مني اتمرمرت وانهتك ستري  
لا تعتذر وتگول مدري \* بالسوط بويه انفصم ظهري

انا اشلون يا مظلوم صبري \* اشوفك كطيع الراس مبري  
اييا حال ما تدرون صرنه \* سيايا ابستر الروس حرنه  
شمسنا اكسفت واطلم بدرنه \* او من هاي ما يجبر كسرنه  
ردنا نودعه اولاً گذرنه \* طردنا الشمر عنه اونهرنه  
منهو اليزتتنا البلدنه \* محنا حرم واطفال عدنه  
مهيا امناسبه نمشي وهدنا  
سمعت المنادي والصدر حن \* يسكنه لعند احسين دمشن  
أو شدن احزام أو زين الطمن \* نغسله أو نفصل له چفن  
أو نحفر كبر لحسين ندفن \* ياهو المثل كلبى تمحن  
سمعت المنادي او كمت ليه \* لكيت الشمر يفتر عليه  
حرمه أو غريبه أو لكدر عليه \* وجروح جسمه موجره بيه  
يحق لي العمر بالنوح اكضيه \* اولو ضاق خلگي من يسليه  
سمعت الفرس تصهل أو جيته \* عليه الشمر يفتر لكيته  
لولي عزم بيدي حميته \* مني جيت عد راسه أو نخيته  
أو شميت نحره او ودعيتيه \* ابحال اليتامى اخبريته  
احسين من يستر ثنيتيه  
برضاك يورغم عليك \* يجرنى الشمر من بين ايديك

انا اصرخ ودير العين ليك \* انا ادري ابحميتك ما تخليك  
اشوشيمتك ما ثورت بيك \* خانن يخويه بيك رجلك  
معدوريل حزو اوريديك  
انا جيت للعركه او ندهته \* اوراعي المروه تعذر اخته  
لگيت الشمر ثاني ركبه \* على صدر اخيي او خزر گبته  
عيني العما اولاجان شفته \* امخضب ابدمه اولا عرفته  
بنفسي يخوي احسين اداويك \* وجيب الدوا يحسين واسجيك  
بلچن تطيب العلة البيك \* وجعدك ييو سكنه وحاجيك  
وعد مصايينا وبچيك \* لون تفتدي بالروح لفديك  
اريد انشدچ يادار عنهم \* اهلي حموله اشظل منهم  
گالت هلچ عني تعدوا \* اولالي خبراي ارض مدوا  
يا دراهم والله لو اطيچ \* واحلف يمين الما اطب ليچ  
لمن يجي يادار راعيچ  
يا دارهم چنت زهيه \* اوچانت قناديلچ مضيه  
اشو موحشه امسيتي عليه \* لحگت علي الغاضرية  
اولا خلت امن اهلي تجيه \* اشحال الذي فاجد وليه  
ما حيلة المهدوم فيه

ابچي اوسحي الدمع يا عين \* على اهل الشيم سبعين واثنين  
وخوتي وعمامي غير الحسين \* اوشبان من غير الجنين  
امسوا على الرمضا مطاعين \* هذي جثتهم روسهم وين  
كلهم تفانوا بس نساوين \* امنين اجتنا كربلا امنين  
بيات الكلب يحسين محموس \* على البلخلا باتوا بلا روس  
گومي اوهلي كلهم اضروس \* او عمامي اليبذلون النفوس  
وخوي المشكر چسب ناموس \* لگف جرسته او عنا على الشوس  
او غدى ايدوس بذيال الدرع دوس \* دگعد يبعد اهلي يمحروس  
بيوي الطفل للماي اخذته \* بسهم العدا مذبح جسته  
شنهو الذنب خويه العملته \* والماي حاضر ما شربته  
لسانك على صدرك دلعته  
بيوي الطفل عني دغطيه \* اولالي گلب يحسين اصدييه  
اشوفه ذبيح اوماد رجيله \* لدري بيويه چنت اخليه  
خفت العطش يلحق عليه \* او گلتلك لعند الماي وديه  
اشوف الخفت منه طحت بيه  
للسيد ميرزا  
يوم النزله الغاضريات \* قلبي اعلى اخوتي بالوجل بات

جتنا بني كوفان دفعات \* رايات تترى باثر رايات  
نزلوا يخويه اعلى المسنات \* لزموا عليه ماي الفرات  
عباس مدعي اخيولها اشتات \* حدسها أو تتعثر ابها مات  
لمن خلص علماي طبرات  
الخيل اجت لينه مغاوير \* كلها مداريع أو مشاهير  
بالخيم بس نسوه مذاعير \* شافو لمع ذيج الغدادير  
فرن لخواهن ظنن ايجير \* شافنه نايم مستحير  
من علتة ما هو جدير \* والعسكر الجاهن چثير  
اعلى الخيم كلها مستدير \* لو بن سعد أمر بالمسير  
شال ابوكت حر الهجير \* سج ابدرب كله عواثير  
والجرى اعلىنا ابداما يصير

في وصية الحسين (ع) لزینب (ع)  
اوصيچ يا زينب بالعيال \* لوطوح الحادي بالجمال  
عينچ وخطيها امن الاطفال \* تدريهم اربات الدلال  
أو عن الشمس يرد الهم اظلال \* ونظري على السجاد لومال  
ادري عليل أو صار بيحال  
يحسين توصيني بالايتم \* حرمة أو طحت ما بين ظلام  
اولالي عشيره اولاء عمام \* والنوق جابوها اللئام

ملهن وطأ أو لاييهن ازمام \* شباري الودع يلي غفى أو نام  
اودرينه ليالي ايصير وايام \* والدرب تدري ايريد له ازلام  
تباري الظعنه ورا أو جدام \* ترضه يبو الشيمه يضرغام  
خواتك سبايه مشن للشام  
تمنيت ابوي اليوم يظهر \* للغاضريه وياه الاشر  
أو حمزه اويحي الطيار جعفر \* أو سلمان والمقداد يحظر  
أو عمار يتلاههم وبوذر \* أو عمامي تجي وين المشكر  
وبكر بلا كلها تكور \* والحرب ذيچ اساع يعمر  
يشوفون وحده احسين يفتر \* أو صويين بي حايط العسكر  
وخوته چتل واللي امطبر \* أو عباس علعلقمي اموذر  
يلكدها ذيچ اساع حيدر \* والاشر يتبعه اعلى الاثر  
يخلون كوفان تطشر؟ \* اوذيچ الرواية تديه بالبر  
وشلون واحد بعد يقدر \* لحسين يوصل ويتجسر  
لاچن اشبيدي على المقدر \* امكون عليه بعالم الدر  
اخونا انچتل واحنا انتيسر \* يا يوم اخوتى يوم اقشر  
تمنيت ابوي اليوم بالكون \* أو حمزه أو جعفر بي يحضرون  
أو عمار والاشر يجون \* اوباحي بني هاشم يركبون

ومن المدينة ايليل يسرون \* أو گبل الفجر بالطف يصبحون  
لحسين تالي السلف يحمون \* أو عباس بين الكوم مرهون  
وحوته طبق نومه يونون \* خلصوا عمامي وكل هلي اشلون  
خطاب للعباس (ع) عن لسان زينب (ع)  
بالخيام لمن حاطت الخيل \* كثر ويدها أو هضل الرياجيل  
وندهشت اطفال أو مداليل \* والحرم صار الهن عويل  
زينب نخت ودموعها اتسيل \* وين اخوتي أو قومي البهاليل  
يعباس يا عز الذليل \* يابن والدي العسكر ثجيل  
أو للخيم چي ترضه يميل \* وانت المشكر بالتهاويل  
بالسيف يمصدر اليعيل \* اولو شافك اينس الجييل  
يگلها بيت حامي الدخيل \* لردها نكس بلشاشها اتشيل  
شوفي اشكر منهم مجايل \* عيناچ لا تبجي المداليل  
الجواب

انا ادريك يوم الكون فتاك \* اولا تگدر الفرسان تدناك  
انا امن المدينة جيت وياك \* ومظلل اعليه ابذراك  
ترضه اصير ابوليت اعداك \* واحنه المثل هل يوم ردناك  
تسلم أو كل احنه فداياك \* واللي اهي ابذرك أو بجماك  
من تنسبي اشتعذر اهنك \* امن اللوم معذور او تعداك



في عتاب الحسين (ع)  
يحسين يا جعله حمانه \* أو ياسور عزنه أو ياذرانه  
انخاك لا عني اتوانه \* يابن والدي العسكر بيانه  
قام وتحرك من مچانه \* قرب للخيم چنه اوتدانه  
اوبن سعد باولهم لفانه \* واحنه حرم محد اويانه  
انچان ما تنهض ترانه \* منهم تصح انه مهانه  
أو يشيلون كل عزنه عدانه \* خيف العدو بعدك ولانه  
والخيم فرهدها اوسبانه \* بعدك هضم كثره علانه  
بيات القلب يحسين مهموم \* والعين لجلك ما خذت نوم  
يا آية الواحد القيوم \* بابن الصميده أو كنز العلوم  
يا گصوره اليفرث الصمصوم \* يا موت فوق ارواحها يحوم  
حسافه يخو زينب أو چلثوم \* تمسي على حگك چتل مظلوم  
وتموت عن الماي محروم \* وين الصديج اليعتني اليوم  
ايحشم بني هاشم أو مخزوم \* وهل المدينة أو مكه اتگوم  
للغاضريه تطوي الحزوم \* ترى احسين علغبره شبع نوم  
العنده عشيره ايريدها اليوم  
يا طارشني خذلي وصيه \* أو نواحي أو عتب لهل الحميه

واحچي الجرى بالغازية \* أو هضم الذي صاير عليه  
عكب الخدر امشي سبيه \* ليزيد ودوني هديه  
شنهو السبب ما اعتنوا ليه \* بيهم مضلت ناغريه  
لنخوه أو لشيمه هاشميه \* ينامون عن هذي الرزيه  
واحسين دمه عند اميه \* اشبيدي هلي باچوا بديه  
يا طارشني دسرع بالكتاب \* بالك تعن أو حث الرجباب  
للنجف واقصد داحي الباب \* أو قله الك مرسل بعتاب  
من زينب أو سكنه أو رباب \* أو خبره احركو كوفان الاطباب  
والاطفال ماخلو لها اثياب \* أو بناتك بيويه عكب الحجاب  
راحن سباهه ابديرت اجناب \* لو ناشدونه اشننطي اجواب  
ملچن عشيره انگول غياب \* حسافه يروس العرب ينجاب  
على الذل لو يتوا اليوم الرقاب  
يا طارشني الحيدر تعناه \* للغري الكبره وجف وانخاه  
وخبره بجميع الجرى أو شفناه \* أو شفنا هضاييم عكب عيناه  
أو لحسين گله اشلون تنساه \* بالغازية أو لحد اوياه  
او حيد أو صفق يسراه ابيمناه \* وخوته چتل ومسطره احذاه  
أو نار العطش تلتهب بحشاه \* واعلى الشرايع نازله اعداه  
والماي يمه أو لحد اسگاه \* لمن گضى ظامي اويلاه

يا طارشي دنهض ابمكتوب \* أو معاصب لبونه داحي البوب  
بالضيح ابو الحملات مندوب \* سيف النبي أو جيدوم الحروب  
عن وجه دايم يحلي الكروب \* من تصل گله اگعد يمنتوب  
تري احسين ظامي الچبد معطوب \* عاري اولوا خلوا عليه ثوب  
ترضه بعزیزك يضل مسلوب \* أو زين العباد ابجل مسحوب  
من كربلا الكوفان مجلوب \* عادت زلم طالب أو مطلوب  
لا چن بناتك شلهن اذنوب \* راحن سبايه أو گطعن ادروب  
والاطفال تشچي العطش وتلوب \* عن هاي چان اتنام معتوب  
أو مثلك هظیمه ایصیر مغلوب

يا طارشي دوصل ابهمه \* وخذ معصبي وياك زمه  
أو توصل لبوجاسم أو سلمه \* اورج الرمح وانتحب يمه  
أو گله اعلى اخوك الخيل لمه \* او عج الطراد اعليه ظلمه  
ظامي انچتل والماي يمه \* أو حال الطفل عنده تدمه  
گطع رگبته حرمله ابسهمه \* أو گله ترى زينب تحشمه  
ظلت ابين الكفر حرمه \* محمد يخويه هاي هضمه  
عتاب محمد بن الحنیفة

محمد يخويه الله أو لحد \* المثلک ثنیته اشلون تنسد  
أو بعد الحسن واحسين تنعد \* سردال خيل او کلها تشهد

بيك الك چم مشهد ابمشهد \* يوديك چان اوبيك يضم  
أو سريتك اهي البيها السعد \* ولويك بيك اتنومس اورد  
اشعا گك يخويه يا محمد \* او عن كربلا المثلک گعد  
اولا جدم احصانه أو عليه شد \* أو دغرق ابليل الكربلا أو مد  
أو فزع لخوته أو سيفه امجرد \* ما خبروك احسين مفرد  
أو جيش اللفه العين الشمس سد \* أو دون الخيم صار الهدد  
واحسين ينخه أو ماله احد \* لو نك تشوفه من لكد  
أو عباس اخوه واياه من شد \* وخوتي ابدلوا كل الجهد  
ابصولتهم الجيش انمرد \* أو مچاتيلهم ما تنحصى ابعد  
او ما سلم غير اللي شرد \* ما گصروا سووا لها حد  
لاچن اشبيدي اعلى الوعد \* امن احسين ماخوذ العهد  
ينچتل بالطف واعده الجد \* أو على الصار لا تشد بعد  
الجواب عن لسان محمد بن الحنفية  
يگلها يزيب حق تعبين \* علي أو سنيح اوساد تدرين  
انا اشلون اجف عن نصره احسين \* مهو عزالي أو عيني اليمين  
أو شيخ العشيره اوييه مزهرين \* أو سيد جميع الهاشميين  
أو عميد اعلى كل الطالبين \* وخوتي علي ما هم رخصين  
حزام الظهر کلهم عزيزين \* يا ذلتي صاروا بعيدين

يحكجلي يخوتي لسكن البيد \* واصبغ اهدومي اولاً البس اجديد  
ونوحن على خوتي المحاميد \* بالكون يلكلهم صناديد  
واللي يگصدوهم مناچيد \* يا هو امن اخوتي موعميد  
عباس يلزلله امن ارعيد \* والگوم بس شافته من ابعيد  
راياتهم راحت تماريد \* ترضى ابخواتك يسر ليزيد  
أو یمشن ابهل حر الشدید \* والحرار تملكها العبيد  
معذور يلمالك بگت ايد \* او طر هامتك عامود الحديد  
في حق علي الاكبر

حس ضغيره وصياح گبر \* يقولون طب للكون الكبر  
حطبها اودعاها اذياه بالبر \* نصى المعركة أو قوم العسكر  
أو منها اشكتر فرسان كنطر \* حر أو على الصيده انحدر  
تفر أو عليها ايحوم ونشر \* يا زلزله اتطر الصخر طر  
اويلاه غوجك من عثر \* ورداك بموسط العسكر  
او چلوا عليك اولاً حضر \* ابوك أو لحق شافك امطبر  
أو ظهره انحنى اعليك أو تهشر \* أو للخيم شالك يا غضنفر  
أو ليلي اطلعت بالخدر تعثر \* أو صاحت ابصوت الله واكبر  
يحسين وين ابني تگنطر \* او حيد او حاتفني الدهر  
في ليلة (الله أو لحد راح الكبر) الحادي عشر

هل ليله قشره اشلون ليله \* كل اخوتي مست چتيله  
اولا ظل ولي اللي نشتچيله \* ابن سعد آمر و جت خيله  
مغاوير واسربها ثجيله \* ما تنعرف من كل جبيله  
أو نطع العليه نايم عليه \* جره النغل منه ابحيله  
تمنيت حيدر حي وجيله \* اعلى كوفان چي ذبحوا سليله  
يعباس منته اللي جبنتي \* بيدك يخويه ركبتني  
طول الدرب ما فارگتني \* بس ما رححت عني أو عفتني  
عگبک بني ميه ولتني \* خذوني يسيره اولاً شفقتني  
دگعد يخويه أو شوف متني \* ترى اسياط زجر ورممتني  
اويلاه يوم السيبنتي  
يحسين اخبرك جابوا البيل \* أو ركنه يخويه رچبة الذل  
والاطفال طول الدرب تعول \* تگلي يعمه انريد منزل  
نگعد اسويعه ابكاسر الظل \* ترى ارواحنا للحر متحمل  
گلي لحادينه يگيل \* لمن شمسها اطيح وتذل  
گلت أو علي غضبوا الكل \* شتمني الشمر ويگول منزل  
ونريد للكوفه نصل \* اكظمت غنضي أو دمعتي اتهل  
يحسين جاب الحادي الجمال \* ناوي يرچب اعليها العيال

وتلوع گامت كل الاطفال \* من شدوا ايديهم بالجبال  
وابنك علي جابوه بيحال \* والمرض منه نال ما نال  
گالوا عليل اشلون ينشال \* يوينچتل يوگيد بحبال  
چتفوه لنا گه أو دما سال \* والظهر سج بينا الجمال  
واحنه حرم من غير رجال  
يحادي الظعن لا تحدي يمكدر \* لاوين ناوي والوگت حر  
وخافن على السجاد يفغر \* واطفاله تبجي أو تضغور  
بلوعون وام چلثوم تشغر \* صدت اولن احسين بالحر  
أو شيبه ابدا نحره تعفر \* أو صدره ابخوافرها تكسر  
صدت لعند الساچن البر \* تگله شريدته تيسر  
بالجامعة والگيد ينجر \* اوخوله لعند النوق ثور  
هزل وخافنها تعثر \* والشام دربه درب اگشر  
أو على رچبة المهزول مقدر \* أو دمعي على الخدين حدر  
يحسين تدري الحادي من سج \* باي ساعه راد السير واحوج  
شال ابوكت حر الشمس وج \* واطفالك اعلى الماي تلهج  
المچتوف منهم والذي هج \* أو خواتك سترهن صاير العج  
سبايه اعلى عجف انياق تعرج \* ترضى العدو اعليها ايتفرج  
وهل البلد كلها تورج \* ويلاه الهضمي اجبال ترتج

يحسين تدري من خذونه \* على اجمال هزل ركبونه  
أو بحبال خشنه چتفونه \* نشچي التعب ما یرحمونه  
للکوفه حين الوصولونه \* ابن ازیاد آمر واصعدونه  
القصر الاماره وگفونه \* بالمجلس اگباله اعرضونه  
اعلی چتله أو لواحد وقف دونه \* من حين قاموا یسحبونه  
صاحن خواته اشتطلبونه \* دخلوا الشریدة قطعونه  
اشصار اباهالینه أو نسونه \* ینامون عن ثارات اخونه  
رچبتني یخویه اشلون رچبه \* على ناقة عجفه أو صعبه  
أو طول الدرب عینی امر به \* أو بس دمعتي اعلی الخد مسچبه  
أو للشام طبتي اشلون طبه \* شفت کل اهالیها مطربه  
أو بقلوبهم ملنا امحبه \* اوراسک یزید آمر بنصبه  
أو بالعود کل ساعه یضربه \* ویقول اخذنا ابثار عتبه  
یحسین للشام امن اجینه \* کلها اطلعت تبخر علینه  
أو بالرمح راسک شایلینه \* وابنک علي ما شره عینه  
یون أو شعب قلبی ابونینه \* اولاً طارش یصل المدینه  
یخبر هلی بالمر علینه \* یقلهم لهلنا احنه انسبینه  
أو ثور یزید ایرید دینه \* استافه أو چتل منکم العینه  
نتمم حسافه احسین وینه



گلي بعد يحسين شلها \* بس دمعتي ظليت اهلها  
يزيد النوى اعليها فعلها \* مثل عملته محد عملها  
دنهض يحيدر واگعد لها \* هيل الترب هذا محلها  
مظنيت لسا يصبر لها

في رثاء العباس عليه السلام  
لو هلهلت عد زايد الباس \* اخوها الشفيه الليث عباس  
تنخه اوعدھا فرع الراس \* وافرغ عليه الدرع والطاس  
على الكوم صول شبه جرناس \* ولاها وخمد منها الانفاس  
وبظھر غوجه اعلى الجثث داس \* اويلي عليه انضرب علراس  
واحسين ظل مهبط الراس \* ويگول مني راح عباس  
يحسين تدري ليك من جيت \* امن الشام ولگبرك تعنيت  
واقعدت عد راسك بچيت \* او ندهتك ييو الشيمه او تنخيت  
ما جاوبتني وعلي نبيت

يمهر احسين وين احسينا طاح \* بعد بيه روح يو بسيوفها راح  
يمهر احسين دليني على احسين \* عزيز الروح صارت وگعته وين  
هل عسكر عليمن فزع صوبين \* واسمع هضل بالميدان وصياح  
علامك يا مهر تسحت بالصروع \* يمكدروين عفت احسين مشلوع

تتفازع عليمن ذيچ الفزوع \* واسمع بالسما جبريلها صاح  
بچا أو دون الخيم كثر صهيله \* أو قامت تعول اعياله العويله  
فرن صارخات اليم عليه \* ينوحن والعليل النوحهن ناح  
يقللها يعمه احچيلي اشصار \* خواتي امن المخيم غدت طشار  
تقله انذبح عزنه واجو النار \* انجيمنه أو حرم كلنا مالنا اجناح  
يحيدر بالمخيم شبو النيران \* مثل سرب الكطافرت النسوان  
يحيدر بالمخيم شبو النار \* اوراحت كل بناتك شتت طشار  
تصيح الغوث وين احسينا صار \* لگنه يعالج ابحومة الميدان  
لگنه يلوج ويعالج ابروه \* يون واللي مچيداته اجروجه  
دون الشمس وگفن لا تلوجه \* يفين والتهفي ابطرف الردان  
بچن عنده أو عليه نصبن مناچه \* أو زينب تصفج اعلى الوجه راحه  
بطل حيلي متت من غير راحه \* فوق القاع ظامي الچبد عطشان  
يبعد اهلي اشتھيس قول يحسين \* أو دليني اصواب الچايدك وين  
يخويه امنين جتني كربلا امنين \* عسى ابعيد البلا ولية العدوان  
عسى ابعيد البلا بالقاع ممدود \* تعالج بالشمس وبروحك اتجود  
حسافه اتموت ظامي الچبد ممرود \* أو مركز صرت للنشاب والزان  
يخويه اگعد خواتك دايره اعليك \* او من خوف العساكر فاره ليك

يخويه بكثره اسكينه تحاچيك \* تگلك ترضه يسبونى العدوان  
يخويه اشلون ترضه امشى يسيره \* تكلفنى يخويه ابهل جريره  
عگب هل نايه الجتنى چيره  
ابارى اعىالك اوها كثر رضعان  
لبعضهم

ما يفيد نوحى ولا ابچاي \* عگب الشهيد الما شرب ماي  
انا ابچي وسكنه تزيد لبچاي \* وانعى تساعدنى على انعاى  
دنهض يبو الشيمه وتعال \* وانظر بناتك بين الانذال  
وابنك غدا بين الرمال \* ويمناه مگطوعه والشمال  
خذونا يسارى فوق الاجمال \* گلبى احترق والهضهم چتال  
ودمعى على الوجنات سال  
معذور يالنايم بالطفوف \* مگطوع راسك والچفوف  
دگعد من منامك وشوف \* منى مسلبه والگلب ملهوف  
ودمعى على الوجنات مذروف \* واعلىنا بالحبيل مچتوف  
لودى لعد حيدر مكاتيب \* وابچي او كثر بالمعاتيب  
من يوم فارگنى الحبيب \* دمعى على الوجنه سكيب  
وچبدي كثر بيه اللهب \* دنوحى يسكنه اعلى الغريب

وچلثوم كثرى بالنحيب \* علي بدم نحره خضيب  
وجسمه على الرمضا تريب \* وعگبه مشيت بيسر تغريب  
وممشي الحرم ويا الغرب عيب  
يا شبان بالله لا تونون \* وبونينكم گلبى تگطعون  
تهدون حيلي من تلوجون \* يا ثمرة فوادي متحجون  
ما ادري يا اهل گلبى اشتر دون \* حسرات عا الدنيا تجرون  
وعيونكم ليها تديرون \* تشعبون گلبى من تونون  
يا مغسل الشبان بهداى \* بهذا دصب عليهم الماي  
ترى ونينهم گطع احشاي \* وخابت ظنوني وخاب رجواي  
للسيد حسين بن السيد طاهر  
يحادي الظعن گلبى وين تردون \* على جثة ولينه ما تمرون  
يحادي الظعن ما تشفج عليه \* وتمر بينا على عزنا اوولينه  
يمه تگعد اسويعه سكينه \* تشمه وتلثم جروحه وتشيلون  
مر بينه نودع حسين ساعه \* يسر گلبى ويرد روجي وداعه  
مهو حسين الشعب گلبى وراعه \* وخلي الكب طول الدهر محزون  
يخويه البيك حاتفني زمانى \* ومشاعني وبالذلة رمانى  
ولا واحد عگب عينك حمانى \* بس اطفالكم يمي يلوعون

ما تدري يخويه اشلون خالي \* وعلى راس الرمح راسك گبالي  
كلمن شاف ذل حالي بچالي \* عدوانك عليه غد وايجون  
يخويه بلخيم شبت النيران \* يخويه من الهضم فرت النسوان  
يخويه ريت يومك چان لاچان \* بيه الشمس غابت واظلم الكون  
حرايركم غدت يا ابن البهاليل \* سبايا تركب النوق المهازيل  
من يبرى الظعن لو ساق بالليل \* ومن يرحب اطفالك من يطيحون  
اشلون امشي وخلي حسين وحده \* طريح اوباييس من العطش چبده  
عسن خدي معفر دون خده \* وگلبى دون گلبه چان مطعون  
بنفسي حسين خويه اصل يمك \* واصبغ شعر راسي بفيض دمك  
چيف اصبر وشوفن فوق جسمك \* تجول الخيل وبراسك يطوفون  
وحق راسك يعگلبى ونور عيني \* وطول الدهر ما يفتر ونيني  
چيف اتلو مني من اعمى اعيوني \* على اهلي المشوعني أو ضيعوني  
ولا واحد عگبهم وگف دوني \* ومن جوني العداو گاموا يشيلون  
تمت